

直隸學務處編印各書坊均有寄售

本報要目

◎十月初十日第二十五號◎
論說▲解釋日俄和約之關係中國者
專件▲立華儒德文學於柏林京城啓
要聞▲立憲法調查局△俄人要求蒙古及西
北各邊境之利權△浙東礦務之轉讓
各省新聞▲議辦巡海輪船△砲台請添瞭望專
員△蘇撫陸春卿札文△接濟留美學費
各國新聞▲日政府派全權大臣往韓△日本特
派專使來京
泰議▲江督奏三省礦務請派大員督查招商試
辦△奉天將軍趙泰參庸劣各員請分別懲
處以肅官方摺

論說

解釋日俄和約之關係中國者

(侯)

日俄和平和約其中滿洲事件關係吾國之利害至重且大將來中日滿洲之約其所要求於我者無不於此露其端倪使能將此條件悉心研究預籌對付之法非取日俄詭詐陰賊之處一二揭破國勢雖富亦知秦之非無人也記者不揣冒昧輒忽大聲疾呼爲吾國民其得一得之愚謹就管見所及將前此日俄和約之中與吾中國關係最切者數條以法理及論理解釋其從而推演推廣之

其第三條曰「滿洲地方日俄兩國軍隊同時撤退其關於撤退時之利益兩國所處地位務須絕對均一」所謂撤退時之利益果何所指吾國人其念之否乎始即日俄兩軍於戰線內所佔滿洲之利權將來軍隊撤退之後仍從前佔領之利益也據國際公法凡軍事佔領之地及其種種權利不得取得主權軍隊撤退前此所佔領之私人權利及商用鐵路固屬不能侵犯即敵國國家不關軍事之各種權利亦須一律歸還本有之國此理爲萬國所公認況中國於日俄非敵國是軍隊撤退東三省地方前此未與俄國立約讓與之權利及所要求而允准之權利均須仍歸故主無容疑矣日俄知其然也欲於此等軍事佔領之權利各有攬取惟其取得之部分彼此不能不立於同等地位倘其中稍有偏倚即不免再肇爭端遂有絕對均一之語互相要約其範圍如何想必暗中協商妥洽彼此相戒不言甚且相因爲用夫孰得而禁之按日本分三路進兵其戰線延長之地幾遍遼東全土而俄軍亦於黑龍江吉林兩省駐紮甚廣其中礦山林業鐵路航權土地財產工商各種權利所包極衆彼二國者極其精華是不啻全有吾滿洲也其第四條曰「俄國在旅順口大連灣兩處并該處附近一帶

之地方海面所有權利全行轉讓與日本惟俄國人民之財產宜加保護不可蔑視」此條單謂俄國人民之財產宜加保護則不屬俄國人民者必被蔑視可知與前第三條末後所加私人權利等語氣大有分別蓋前條係統稱而此則專指也日人熟知旅順口大連灣無他國人民財產僅日俄與中國之關係而中國人民者尤居其大半焉故特狹小其保護之範圍以爲獲奪之計且其間權利轉移界限極不明晰日本勢必任意擴充出前此所許俄國範圍以外按諸公法約定境界之性質必以條約所規定者爲憑如其地之經緯度及種種有形之標識標柱溝溝等類皆所以限定此界綫者也今約中既無由中國復勘之明文則彼此自相授受可知矣況旅大地方原係租借俄國似此辦法則與已經割讓何異此等名義所關甚大倘不再與日本明訂盟約照前此俄國之約扣除租借年限則旅大天險不至久假不歸吾不信也

其第五條曰「日俄兩國政府爲滿洲商工業之發達所取一般手段(此手段對於各國不可不同等)對此手段彼此不得加以何等障礙」此條所謂一般手段殆指尋常普通通商之手段而言蓋日俄兩國就取得權利之中其經營之手段縱各有不同至其以發達商工業爲目的則一而已惟兩國同在一域利益相同難免競爭競爭劇烈勢必互相妨礙猝起衝突商工業因以損失終非兩國之利是以互相協商不得妨害又恐各國之有所阻撓也則以視爲同等一語而籠絡之彼日俄者固亦深知各國工商之在滿洲者實不能出日俄之右其圖發達之心又絕非兩國所能禁遏雖欲壟斷獨占其勢有所不能若因利而利預行分潤之爲愈乎蓋既取之於我又以其餘分贈他人藉塞其口以免干涉俄人所慨而以爲惠其協以謀我之心爲何如耶 (未完)

譯件

瑞諾丹三同盟國 (譯時事新聞)

據最近歐洲之電報有云諾威威爾方整備獨立新君又謂丹麥之卡爾爾親王已依投票法選出即當位天就瑞諾丹三國紛議之原因及成立其分雖似終不可免然就分離之後論諸威之政體當屬於共和抑君主乎此一問題從來有種種之議論今已漸次決定而設若君主政府而迎丹麥之一親王爲皇帝矣又論瑞諾丹三國其分離之原因中所最重要者即兩國間之國民各自爲其風氣如瑞典則尊貴貴族制度而與諾威之共和制度相反對故由是遂起感情之衝突也乃今諸威國民不採共和制度而採其平日所憎厭之君主制度者何哉瑞諾丹三國之親密非一朝一夕之故今尋舊好重與丹麥親交並同合瑞典之交際聯丹瑞諾三國同盟而作鼎立之勢所謂斯康地納維

維亞人之聯合謀各自之幸福以設立共和國政府則誠較然獨立於北歐之地爲優也論其結果即諸威人既由瑞典分離國以獨立猶當指其國之舊而藉施鞏固獨立之手段也考丹瑞諾三國之初去年一千九百零三年之人民當其國語故至今日如瑞典兩國之國語尚無大別也及中世紀之頃有名之丹麥女皇曾得會併吞瑞諾兩國未幾瑞諾獨立於千八百十四年而丹麥則威爾附屬於丹麥至拿破崙戰爭之後此則并諸丹而分離矣然其時諸威雖更附屬於瑞典而與丹麥之交情甚爲親密初無毫髮之渝也又丹麥與普魯士開戰時瑞諾二國之人民與丹麥人表滿腔之同情其後十八百六十九年今之丹麥皇太子與瑞典皇太子亞拉司十五唯一之內親王結婚丹瑞諾非常歡迎此聯合之端皆最可注意也又此三國種種之事實所協同者如同貨幣制度同一海上法規丹麥與瑞諾有特別之郵便條約丹麥人在瑞諾諸諸人在丹麥比他國人短期間歸化之特權極而至於近年三國之人有熱心研究討論作關稅同盟之舉或言此三國各異其主要之產業論其成立似不易不知三國之異其主要的產業即爲三國有互相利賴之處則將來此關稅同盟之竟得成立亦不可知也至舉三國相連之點其最著者如前所述瑞典重貴族制度諸威共和制度其一方則丹麥與瑞典雖同爲君主國然不以不悅有瑞典貴族制度之勢故其好尚則自立於瑞諾二者之間又諸威人與瑞典人有相爭而與丹麥人相和者一由丹麥人非如瑞典人之尊貴貴族制度故就瑞諾間之紛議似丹麥與諸威表同情第如上述之新聞紙上之議論記事瑞典與丹麥二者間或不能免其紛爭此諸國所以謂北歐之三弟兄國雖各有其獨立之政府然同時常有創締結三國同盟之議論也當思瑞諾之至於分離爲瑞典人所痛惜故歐洲電報有瑞諾議會以屋斯卡帝悲痛之勸語而閉會亦發於情之不禁然今已不及補救此後三國者苟各有獨立之政府以同時締結三國同盟是以謀進各自之幸福而維持其獨立其果爲得策與否當待研究也又就瑞諾之分離次於丹麥而有最重大之利害如俄德兩國其處於此當何如乎夫俄國之所策與其使諸威獨立置於自國勢力之下則何如令是國爲共和國而使立於孤立無援之地爲便也至德意志者非欲以丹麥之親王爲諸威皇帝謀丹瑞諾之結合而自爲統率之爲得策者乎然德意志之計畫顯不能免俄帝之反對無如德帝於此事特深遠意故風聞當俄德兩帝會見時德帝曾提議欲俄國承認以丹麥之某親王爲諸威皇帝而願與俄國所垂誼諸威之利思海恩灣之不凍港此提議雖未敢必其確實然總以瑞諾若全然分離而丹麥之卡爾爾親王既君臨諸威後則北歐之政界雖云可歸於平靜然若別察列國之關係時其能不生有波動者幾希矣

中外一家四海之內皆兄弟也五洲萬國之人必須交通含仁負義彼此相助僕十三年前即一千八百九十二年中國多年研習中國之書且助花之安先生兼李提摩太先生辦理廣學會之事於一千八百九十六以及九十七年余料理贈送之廣學會之時務新政書幾十萬本於中國士子如林樂知所撰之廣學與國說文學與國策與華新義又李提摩太所著之新政策等如余亦將花之安所著之自西徂東印二千本又泰西學校教化議二千本獻奉於中國官憲閱時自己亦著述幾種書如德文入門三冊(此書今將重印改名德文要語三冊合刻)華文常用四千字錄二冊孔子基督爲友論一冊聖經要道一冊耶穌言行要錄一冊四書本義官話四冊(此是一種註解爲蒙學堂所預備繙譯四書之本文爲官話因爲余想十八省之孩子在蒙學堂先當學習一定之官話爲模範以聯合全國之精神)此十餘年之工夫余不受公會之薪俸實用自己之貲以度日余指出此數款以欲表明余誠心愛華人欲幫助中國耳○余母親因只余一子而無他子遂於一千八百九十六年自德國到中國今母親年老不能忍耐中國夏令之暑熱故明年春日余欲携家眷隨侍母親回德國以盡孝道然余一心戀慕在德國亦可以幫助華人○中國今日最緊要之日的僕以爲是中國當道官紳必須送聰穎子弟到西國學習西國各種學類所有極善極美之方法中國國家與西國教會已創建許多學堂在中國此是極妙可證之事乃究竟若學生真要考察西國之美法伊等必須自己游歷外國必須親自目睹晴觀覽西國之光景孟子論學語云父當送其子到齊國曰引而置之莊獄之間數年雖日撻而求其楚亦不可得矣孟子此言之宗旨不但切於學西國語言乃於學西國各種專門之學亦甚切合大日本國三十年以前曾送許多學生到德國肄習德國之學問此真是東洋勃然興起之根基人皆稱德國學問是萬國之中最樸實名通者且德國之政治法律與中國合時所須者最爲相宜因我僑德國人士誠心敬慕皇上且熱心愛祖國今日中國曾送許多學生至德國乃若無誠誠之朋友照應諸生難免蹈危險或輕躁之西國人有時引誘諸生行非禮之舉動以致諸生浪費銀錢虛度時光遂令伊等日後無真實之功效此是諸生之害亦余本國之恥也是故余有心欲特爲中國學生在柏林近郊租一所房屋欲允許學生與余家人同居欲時時監察諸生之學課且襄助諸生通達京城最要之政務如此余希望諸生可以速速前進且日後確切有真實之功效○論學生所居之處若二十名學生共居一所房屋如此日日之費用自然減少於各人獨居之費用學生若不獨居且有善良之同伴伊亦可免生思家病而可以專心樂意學習余亦可以時時保護諸生免得別人阻撓○諸生在柏林所必須之費用余聞今日此昔日之價目即余學時之價目較昂貴余爲二十名中國學生籌定用度第一款論房屋並飯食等每學生每月所必需之費開列於下 (未完)

立華儒德文學於柏林京城啓
世史之考鏡論者多未了了偶見東報著者有是論因就原意譯之但求微實不敢加之緣飾也 (譯者附識)

立華儒德文學於柏林京城啓
世史之考鏡論者多未了了偶見東報著者有是論因就原意譯之但求微實不敢加之緣飾也 (譯者附識)

正六生利和益

新衣套囑於初十日同赴南壽宮聽講

洋商係何國人作何營業一併查明具造清冊以憑核辦此

日以前來嚴宅報名此啓
文昌宮西女子小學堂謹白

逢不盡壽符

方仙萊逢

夫自古迄今男婦老幼之美者皆不勝屈指數矣生於天而長於地者皆由人力也此壽符乃由天降之靈符治後世之病等症且有萬應神效之形此符乃由天降之靈符治後世之病等症且有萬應神效之形此符乃由天降之靈符治後世之病等症且有萬應神效之形

元價一百元 洋次服

救世活人

此藥能治諸般血氣虧損之症凡一切虛勞損元氣不復之症服之立見奇效本行此藥之靈驗人所共知不特虛勞損元氣不復之症服之立見奇效本行此藥之靈驗人所共知不特虛勞損元氣不復之症服之立見奇效

靈驗 如神

生香膏

夫自古迄今男婦老幼之美者皆不勝屈指數矣生於天而長於地者皆由人力也此壽符乃由天降之靈符治後世之病等症且有萬應神效之形此符乃由天降之靈符治後世之病等症且有萬應神效之形此符乃由天降之靈符治後世之病等症且有萬應神效之形

救世活人

此藥能治諸般血氣虧損之症凡一切虛勞損元氣不復之症服之立見奇效本行此藥之靈驗人所共知不特虛勞損元氣不復之症服之立見奇效本行此藥之靈驗人所共知不特虛勞損元氣不復之症服之立見奇效



義之後人告白

義之後人告白



品陳列館

品陳列館

白告行洋金王瑞生瑞

瑞生瑞金洋行告白

號祥達

達祥號

新育實心學出版

育實心學出版

天茶園

天茶園

會堂晚早日今

今日早晚會堂

廠煤慶同

同慶煤廠

天茶園

天茶園

會堂晚早日今

今日早晚會堂

廠煤慶同

同慶煤廠

北京華新書局告白

北京華新書局告白

昇大馬車公司

昇大馬車公司

和行保險

和行保險

十月初十日

各省新聞

山東

○開辦商埠滯留之原因 濟南商埠界址已定其招商租地章程凡官地一畝每年納租銀數百元與青島章程大異故華洋各商現皆觀望不前

○工藝日進 德州吳金印鐵帽公司久經稟明商部准其專利所製之帽分運各省亦頗暢銷日前本埠工藝局初次開會評獎工商該商獲獎得八十三分列特等

○議辦海關輪船 山東按察使王士珍君天柱君駿聲等擬仿日本商船社會章程辦理海關輪船以保商旅若有贏餘願提一成作為報效現已集有股本銀十萬兩擇日開辦

○籌款局申報撫卹移解河款項文 為申報事奉憲台札飭以據丁道稟查勘玉符河及疏濬小清河上游估辦大概情形等因到局奉此查此項工程當此開辦伊始在在需款必須預籌籌辦以應工需本局稅課項下所收牙課銀兩前經升任憲台周奏准專作挑挖小清河經費之需擬請即在此項牙課銀兩內先行撥解庫平銀二萬兩以備應用至實在需款若干應俟會同勘核實估定再為稟請撥款除飭收支所照數支出移解丁道備用外理合申報查再另札派委職道鍾琪會辦此工每月加給夫馬費銀五十兩等因因道辦理籌款商務各局差使均已領有薪費所有此次蒙加之夫馬費銀兩無庸再領以節糜費合併聲明

○師範學堂自認國民捐 前紀山東師範學堂方鶴人觀察倡辦國民捐並刊有勸捐小啓茲將全堂教習執事各員捐數詳列於後

監督方觀察燕年一百兩 庶務委員李友鑫五十兩 齋務委員張容鏡五十兩 文案委員管炳文二十兩 雜務委員許家齊二十兩 齋務委員楊慶望二十五兩 檢察委員劉宗憲二十六兩 監學委員郭向南十二兩 監學委員時克慶二十兩 管書委員苗蘭蘭十二兩 會計委員劉會麟二十兩 編譯委員程初鼎十四兩 經學教習陳新佐五十兩 地理教習吳壽堂十六兩 算學教習于璜三十兩 算學教習以誠十兩 歷史教習范罕三十兩 東文教習義連珠十兩 又洋漢文教習胡際雲十兩 英文教習尙其義十二兩 體操教習周召南二十二兩 體操教習楊啓勝二十二兩 體操教習馬如虎二十四兩 圖畫教習何世法二十兩 音樂教習葉衍麟十兩 日本教習宅野澤中村覺之助內堀維文 共五十兩 共計銀六百三十九兩又洋三元

○河南 開辦滿堂學堂 豫省滿堂學堂業已集款開辦正額學生五十名副額學生五十名一切規則尙屬可觀

○芝蘭暢銷 豫省芝蘭以南陽陳州出產為大宗今年收成頗富漢口商人由火車購運者絡繹不絕價值為之陡漲

○江蘇 日大尉游歷蘇省 日本海軍大尉曾根俊虎到蘇游歷於上月二十六日詣撫轅拜會當由洋務總辦馮觀察偕同東文翻譯陳天麒二君引見陸春帥晤談良久

○札委左旗勳匪 蘇垣飛划副左旗自王管帶玉田銷差後

暫歸統領兼帶迄未委人接管茲聞省憲以凌雲忠沈葆義兩弁同時投誠今凌已委帶右旗未便任令沈弁向隅爰特札委接帶左旗並飭速往太湖勸辦匪徒毋負委任

○委解贖品 蘇垣應解秋貢奉委撫武巡捕金玉廷守戎管解茲悉各項贖品現已一律敬謹封固經撫憲陸帥委派中軍仇義戎吳縣張大令在撫署大堂逐一驗明以昭慎重大約本月初旬即須首途

○砲台請添瞭望專弁 鎮江砲台官近稟南京籌防局呈謂京口砲台為金陵最近門戶關係重要各國兵輪往來如織瞭望一役日久虛懸似有不便茲擬仿照吳淞之南石塘子林設立瞭望專弁成案請於圖山象山兩砲台各設瞭望員弁一名按月各給薪糧十兩以專責成圖山瞭望員下海有他國兵輪上駛即電達象山以專責成圖山瞭望員下海有他國兵輪上駛即電達象山以專責成

○糧道兼理藩篆 蘇藩司效方伯電稟江督請派員接署周玉帥當委蘇糧道陸中甫觀察暫行兼理以便方伯交卸至蘇關監督一缺仍須另行派員管理

○電調熟悉機器之能員 江北提督劉延帥電咨江督周玉帥署調熟悉機器之能員 江北提督劉延帥電咨江督周玉帥署調熟悉機器之能員

○札飭解回軍員 已革廣東遂溪縣承議業由無錫縣解省現經蘇撫陸帥電准兩廣總督岑雲帥電復以此間原告人證均已回籍一時無可質訊蘇省無錫縣有被控橫行不法之案請將該軍員革職解回無錫

○蘇撫陸帥札文(為提存餘利聽候撥用事) 照得寶蘇舊廠銅元局餘利項下應給花紅原提一成以五釐分給局員司事工匠人等以五釐提歸院司衙門辦公之用現承准辦理財政處王大臣會同戶部議章 奏明天津銀錢總廠所鑄銅幣合計淨利分作十成提一成作為公積一成作為花紅並奉酌各省章程花紅以十之三分給提調各員以十之五分給全廠員司匠役以十之二分解財政處戶部作為飯食銀兩等因本省原提花紅一成自可照辦惟其中仍以五釐分給廠中總辦以下員司工匠人等尚餘五釐除提二釐存儲俟財政處戶部扣提飯食銀兩應否照辦再行酌辦外餘即一并提作公積由局專款存儲以備撥辦本省新政善舉之用毋庸再解院司衙門以清界限至從前所提辦公經費除奉署臬司呈報二次退還前項銀六千四百五十餘兩由局收入附儲項下另有外其效藩司在護院任內有辦公經費銀八千兩當據詳報與兼署

○浙江 拿辦軍員 浙江新城縣高等小學堂經高子勳大令苦心創辦籌辦常年經費約有一千餘元本可敷用乃該堂管理收支羅廉生保真自上年以來於收款以多報少於支款則以少報多遂致入不敷出學務廢弛現任新城縣沈師徐大令到任後力求整頓嚴加考核該生仍舊圖混開報不實甚至以本堂股富捐充學堂公產始則隱匿要據復欺項不交為大令察覺當經發覺拘管追繳該生現經乘間脫逃業經由縣通詳上憲將羅廉生衣項片事查訊究以振學務而挽主費

○接濟留學費 浙省留學費業經鐵路專門學生胡棟朝籍隸廣東昔年由南洋公學派赴美國里魯大學堂習學已閱四年著有中國鐵路指南一書該生現擬附入該國鐵路工廠半年橋樑工廠半年專心習練明年歸國便可充當工程師其所需學費約計美金一千餘元約合華銀二千兩現在浙省鐵路局已允備材尤故由總理全浙鐵路湯京卿等公函陳請派員查核在案茲聞該生胡棟朝收領

○獲匪正法 江西贛南道江觀察赴三省交界筠門嶺地方搜剿匪徒日前電稟撫憲現獲匪首王隆山金上杭子二名據供糾黨定期劫獄肆掠不諱可否立予正法請示遵行撫憲已電覆如果供認確實即正法併將訊明口供及行刑日期詳細稟覆

○聘請日本教員 日本人山田彦松君來江寓毛家園二十日學務處傳召生觀察親往拜謁詢其能否兼充高等學堂及學務處兩處教習并體操等事山田君已允可聞傳觀察候俟稟明撫台後即行聘請入堂

○委充軍醫監督 鄂督張帥帥以軍醫學堂監督一差久未委有專員當即遴派銀幣局提調齊耀珊太守充當監督已於上月到堂視事

○定期考試師範生 漢陽道師範學堂投考學生計有三千餘人已由學務處派員於上月中旬在學署驗看嗣因保結未齊以致大半不能考驗當經漢口商董加結並由夏口廳中送方准收考刻已於九月二十二日仍在學署考棚考試

○阻撓興學 宜都縣副貢生劉啓沛設館授徒已歷年所近日該縣開辦高等小學堂學生均向學堂投考劉以館散大忿投函縣令多方阻撓縣令將劉函黏貼稟道府當經判宜道陳少石觀察飭縣詳究辦劉聞信始懼央求省垣學務中人為之轉圓並具結不再干預方始罷事

○換給警察關防 湘省自設警局後將保甲團練二局歸併一局名曰保甲團練警察總局茲署撫憲龍帥帥以設警察母庸再加以保甲團練字樣即令將舊章除去另刻關防文曰湖南全省警察總局並飭此後宜切實仿照東西各國警察規模竭力整頓

○酌留防軍 湘雲南洋常備左軍前因粵氛不靖由杜觀察

察院統帶至湘駐防永州歸張統領領雲總統杜觀察仍為幫統茲以粵亂肅清餉源支絀酌留三旗改為靖字第一第二三旗仍歸張統領其餘發給恩餉一律遣散此後餉項由湘省發給矣

○老農不如老圃 湘省號稱產米之區故有湖南熟天下足之謠今年川水為災下游一帶圩田收成頗減上游山田雖無水患而成熟時陰雨過多蟲蟻復起收穫均形歉澁惟灌漑者因商埠新開人烟日盛晚熟早非銷市頓增求過於供利市三倍為近年所未見也

○浙江旅湘公學將開 浙江旅湘公學前有浙人陳君華甫議辦未果近日潘君季魯復向同鄉商議開辦現正擬訂規則籌集經費大約明年即可開學所有校舍即就兩浙會館改設云

○擴充科學 求是學堂為善化唐紳濟海開辦已歷兩年成效卓著近更特設實業專科推廣校舍以爭進步

○勇丁滋事 湘省醴陵縣城福音堂向由武字四旗撥勇保護其地與小學堂鄰近日前該勇闖入小學堂為監督劉紳可珍所呵叱勇丁不服反相爭抗劉紳當即知會王大令將該勇帶押隨由大令通知管帶責革

廣東 建築碼頭 省河港澳輪船已有十餘艘之多碼頭不敷泊其寄泊者凡有搭客均須小艇往來每客給艇家工資五仙所費甚鉅現現有某公司在堤岸和街尾地一段建築碼頭以便輪船泊連日運到鐵樁鐵架等物甚多已於上月興工趕造聞限期十一月月中旬畢事不得延遲

○番禺公學稟批 學務處據番禺縣陳之鼎等稟請設立公立中學堂由 批據李祖蔚等公呈擬請學宮尊經閣設立高等公立小學堂經批縣會審具覆在案現各紳擬在學宮尊經閣公立中學堂并在明倫堂先設學務公所足見科學已停人心皆注重學堂各紳鼓舞振興不遺餘力本處極欲贊成所陳集眾投簡公舉學堂監督學務公所所長辦法甚為文明果係全體紳士會集妥商事極公允自可照辦查教育普及實在多設小學章程內雖有各州縣准設中學堂一條此自指小學普及之後而言當非先中學而後小學現在學堂甫經開辦邑中人士有中學之年齡未必皆有中學之程度為目前應急之謀自以設立完全兩等小學堂較為實際輕重緩急之間各紳諒籌之已熟事關興學商榷不厭求詳惟公立私立各學堂經奉督憲通飭應由地方官查明稟請立案現在請辦學堂事同一律辦理未便兩歧究應如何籌設如何集款如何選員紳如何訂立章程仰番禺縣迅即約會全體紳士再行集議妥籌覆候立案至學務公所為全屬總匯之區極關重要要省外各屬多已遵奉開辦南番禺首邑固然無聞去年南屬議辦學務公所阻力橫生事敗垂成迄今餘學堂僅能成立致學生有用之光陰徒為虛耗各紳現籌辦學務公所所有端倪尤望力鑒前車和衷商辦速成於成令勇於任事辦事亦抱熱誠身任地方更屬無旁貸并即會紳迅速籌辦切切

○典商苦況 省城當舖自近年以來當多賸少生意異常微薄以視各押店尙多不如大有虧折之勢現在該舖之人以若不從速變通辦理恐日後之虧耗將更不可設想故和昌等典舖已改當為押矣

各國新聞

○日政府派全權大臣往韓 東京電云日政府派欽差全權大臣伊藤侯爵前往韓國與韓皇商辦一切要政該大臣除帶一切參隨人等外尚有武官三員隨同前往在韓駐月餘所事方可商辦妥協并有巡洋艦一艘隨同保護云 譯天津益聞西報

○日本特派專使來京 東京電云日本政府現派外部大臣小村男爵為專使與中國外務部提議滿洲善後問題聞不日即由東京啟程前來北京云 譯天津益聞西報

○日皇獎賞軍士 日本專電云前日皇壽誕頒發銀幣十萬圓賞給水陸各軍以示獎勵并將太子陸軍提督水師提督之職 譯天津益聞西報

○海島大風 聞台灣西北之那瑪島與米克士瑪及琉球羣島之間忽起大風向東北方吹去曾否傾覆海船尚未詳悉 譯天津益聞西報

○瑞典國新旗出現 日前那威瑞典分治之事已見前報現瑞典國已將國旗議定擬用藍旗上加紅十字以為標識 譯天津益聞西報

○漢城鐵路告成 現在韓國已將漢城到清津(譯音)鐵路修成擬於十一月五號舉行慶賀告成之典 譯上海文匯西報

○日皇賜宴勳臣 東京電云現在日皇在底達池(譯音)宮宴會東鄉水師大將以及各省大臣 譯天津益聞西報

○德政府之意見 柏林電云現德政府於英國報紙論及撤退直隸兵隊之事頗不注意因已知英政府將德政府之意見飭北京公使照辦矣又外間傳言德政府現擬將直隸兵隊撤退增青島兵力此言實無其事雖前者曾有此意然非所論於今日矣 譯天津益聞西報

奏議

江督奏三省礦務請派大員督查招商試辦摺

奏為遵 旨會議具奏仰祈 聖鑒事光緒三十一年八月十二日軍機處鈔出兩江總督周馥等奏三省查礦事宜擬請特簡大員督查招商試辦一摺奉 硃批該部議奏欽此欽遵抄交到部查原奏內稱中國礦產之富甲於五洲歷年華商辦理未見明效亦因查礦未確地方官紳未能切實辦理各國辦礦首重查礦次重探礦查礦之權操之國家其費出自公款或准商人墊用皆由探礦公司歸還未有不先行查實而貿然下手者擬仿照各國辦法先延礦師將江蘇安徽江西三省逐一查驗凡有礦處先勘地面礦苗如何如果苗旺實再行鑽穴探驗地下礦產如何礦產如厚再驗來脈遠近鋪地寬狹運道難易一一詳查估算分別上中下三等列表繕冊通報戶部商部等衙門存案凡官山自應申禁不准私賣如係民產彼此轉售亦應稟官查明主權是土著方准過割並曉諭地方官紳先將近礦山場田地設法購買若干以為基礎此項查礦經費現經臣飭由甯蘇皖四藩司各於銅元餘項下暫撥銀二萬五千兩擬於三年之內將三省有名礦產查辦就緒惟茲事體大擬援照從前三品京堂李徵庸辦理四川礦務成案請欽派大員督辦三省查礦事宜遇有要事會同督撫商辦至三年查礦期內必有陸續試辦者無論官商股照公司章

程辦理華商風氣未開招股不易諸君皆謂宜提銅元餘利二三成早開銅礦以固根本惟現在各省銅元局提款太多殊難多撥應俟隨後體察商酌酌提利附充股本等語臣等伏查中國固有之利源要在振興礦政各省急起自辦自以首先設局調查為權輿而商部准覆兩江督臣李鴻章於本年八月間具奏擬仿照兩江督臣等所擬辦法請 旨通飭各省將軍督撫迅即籌設礦政調查局專選諳練礦政之員由商部加札作為礦務調查員令其酌帶礦師詳加探勘除已開之礦仍按前頒礦務總表填註外未開之礦即遵此次判定表式隨時填明具報如有切實探勘確著成效者准由商部擇尤獎勵等因奉 諭旨允准通飭各省一律欽遵辦理在案此項礦務調查員之始既由各督撫遴選其材能委用之時又由商部課其優劣所有該省礦政自不難責成經理以竟厥功茲兩江總督周馥等請照四川辦礦前案督以人員轉應體制較崇未必躬親履勘仍須派員前往稟復核轉會同奏咨徒增耗費費轉多周折擬請仍照商部前奏各節妥籌辦理該督等前設查礦公司即改為礦政調查局並將該省派往查礦之員開具履歷咨由商部酌量加札作為礦務調查員以符奏案所請 特簡大員督查之處應毋庸議原奏又稱三年內陸續試辦無論官商股隨時查報以憑查核原奏又稱提銅元餘利早開銅礦一節戶部查現在整頓國法需銅孔亟故洋銅進口日益加多若能早開銅礦自開源闢流扼要之論該省擬提銅元餘利附充股本亦係正辦惟各局所認練兵經費及部撥各款均關緊要務先照數解足所餘餘利自應由該省酌量提用以充股本其餘嚴禁私賣礦產先飭官紳購買近礦山場地各節均與商部迭次奏咨各案相符至稱詳細章程屆時察看情形再行會奏一節查此項章程自應由商部訂定奏明咨行遵照通行各省照辦以歸畫一如蒙 俞允即由臣等咨行該省督撫欽遵辦理所有臣等會議緣由理合恭摺具陳伏乞 皇太后 皇上聖鑒再此摺係商部主稿會同外務部戶部辦理合併聲明 奏光緒三十一年九月二十七日奉 旨依議欽此

奉天將軍趙奏參庸劣各員請分別懲處以肅官方摺

奏為特參庸劣不職各員請 旨分別懲處以肅官方恭摺仰祈 聖鑒事竊維奉省吏治腐敗已久奴才抵任迭經派員密查察以見聞所及其奉公潔已確守官箴者雖不乏人然人才太少習氣太深往往營私舞弊玩弄法虐民有內地各省所偶見偶聞之事而在此地則習以為常此奴才復再三考察嚴申條教但能改其已往之愆決不阻其自新之路時屆三月查訪頗詳其情節較重萬無可原者不得不據實上陳分別懲處以肅觀聽而勵廉隅茲查有候補知縣金錫三侵蝕稅項為數甚鉅准補岫巖州知州馮樹銘經手款項弊混甚多內務府驍騎校錫綬罔利病民肆無忌憚以上三員均請革職永不叙用署鳳凰直隸廳候補知縣劉本源不諳吏治被控有案署鎮安縣知縣馬祥愷素性懶惰不勤民事試用同知卸署蓋平縣事祥德委靡不振丁書被控任令脫逃留補用知府宋乃秋假公濟私不知檢束候補同知鳳鳴苛虐滋擾擾民怨甚深馬鎮端營私舞弊不恤眾論順行不為不謹候選同知李佩沅辦事荒謬署

廣甯縣知縣鄭承源庸懦不振候補知縣李科元因私害公王鼎彝荒唐肆應致授王君驛順倒非干預公事候補縣丞呂慶長薛景俊聲名惡劣署八面城照磨李樹庚乘馬集巡檢江文蔚均行為卑劣候補巡檢徐廷茂鑽營勾結協領連中聽斷偏私濫見利忘義佐領祥裕冒昧涉訟騷擾校書齡天性涼薄以上各員均請即行革職署中縣知縣楊樹才具平庸漫無措置惟文理尚優請以教職歸部銓選蓋州城守尉宗室載璋縱丁擾民始終瞻瞻應請交宗人府議處將軍衙門堂主事捐升知府維明氣質粗浮難勝表率請以州吏目降補奴才維為政之方弊必去其太甚用人之道効當勸其將來奉省吏治雖處現切實整頓亦頗有爭自濯磨者倘能循事不改成效昭然自當隨時奏請 恩施破格獎勵如續查有庸劣不職者則所施之罰亦必倍之庶足以昭 朝廷彰瘅之大公而復奉省瘡痍之元氣至以上所開各缺應請扣留外補並請准照奏定專章不拘請補期限先行派員試署以昭審慎理合恭摺具陳伏乞 皇太后 皇上聖鑒訓示謹 奏

又奏宗室旗民現審月摺奉 旨知道了

○新說

托爾斯泰者俄國之巨子又名轟歐美絕妙奇文之大小說家也是篇為其得意之作以哲理演愛主意寥寥短文字畢生宗旨全現日本太陽報譯之茲復就東文轉譯不識者原文幾何閱者幸取其意而略其詞焉(俠識)

亞細利亞王亞沙哈頓既征服某王國乃毀其國都遷其居民屠其兵勇囚其王來利愛

某夜深宮人靜暗月當窗亞沙哈頓擁衾不眠正默思利愛來利愛之策忽覺身側有聲喘息舉目視之見有一童頭顴髮之老翁佇立床前

老翁問曰汝欲刑戮來利愛乎

王答曰然吾正思索當如何戮之

老翁曰噫汝非來利愛乎

王曰否否吾非也來利愛者來利愛也

老翁曰汝與來利愛實一非二汝非來利愛又來利愛非汝者乃汝之小兒解耳

王曰何為小兒解耳所居壯麗輝煌之宮室所服者精良細緻之衣裳僕從成行一呼百諾環繞以內莫我為尊彼來利愛屈處檻中一如籠鳥明日吾將牽彼之刑台拔其舌斷其身以其屍食餓犬

老翁曰汝汝不能絕彼之生命

王曰彼將一萬四千雄兵抗我轉瞬為我戮盡堆其屍骸成一

大圓塚今絕彼一人之生命何啻吹灰

老翁曰汝所絕者汝自己之生命耳

王曰吾不解汝言

老翁曰汝欲解乎

王曰欲

老翁乃指一盞水之浴盤曰來——汝來此

王遂起身至盤前

老翁曰脫衣入此盤中

王遂如老翁之命入盤

老翁自浴底出一大盞滿盛以水曰吾以此水澆汝時汝即自浸頭于盤

王曰諾

老翁遂執大盞從王頭上澆下王即自浸其頭

(未完)

文苑

獨誦堂遺詩(續)

千將初出鏢其利可吹毛登山刺虎豹入水蟻蟻蝕之古冶子提攜意氣高自非遇相識何以異鉛刀

東門桃李花灼灼照春風美女好顏色相較惜未工豈珍幽靜性唯求脂粉容所以空谷蘭花世宜固窮

孫陽愛好馬馬亦愛孫陽豈為增價高知已足感傷伯樂死千載燕市空相望老驥驥車下因風送慨慷

青蠅亂垂壁積污不在多白圭既已玷豈日尚可磨一瑕累全瑜既染無如何君子知此意守身防其佗

鳳凰匿文采凡鳥無異姿良臣有忠心不用安得知天門三萬里修阻無窮期我欲望日華浮雲蔽隔之術不可結主道不可干時用是自窮因何時望轉移

芝草生芳藎不宜間荆棘朝廷用賢良不宜有奸人梅福變姓名嚴光甘垂綸古有不辱士尋常豈得臣

[illegible]